

فيديو # ٨٩٥ من مقاطع حظر التجول تدبر سورة المعارج # ١

الآيات ٨١-١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم خمسمية ثمانية وتسعين من قاطع حظر التجول والحلقة الاولى من حلقات تدبر سورة المعارج ارجو من حضراتكم تجميعوا المصاحف وافتح معي سورة المعارج - [00:00:02](#)

الصورة رقم سبعين في ترتيب المصحف صورة المعارج مكية نزلت بعد سورة الحاقة وترتيبها في المصحف بعد سورة الحاقة اذا هي نزلت في اخر سنتين تقريبا في المرحلة المكية عدد اياتها اربعة واربعين اية - [00:00:30](#)

ترتيبية في المصحف رقم سبعين يرى بعض المفسرين ان سورة المعارج تعتبر تنتمه لسورة الحاقة. يعني هي اكنها ختام سورة الحاقة. من حيث المعاني لانها بتصف يوم القيامة والنار ده اللي كتبه اللوسي - [00:00:55](#)

في تفسيره الرائع روح المعاني وانا باعتبره من افضل التفاسير وبعتبره فورا ياتي بعد تفسير التحرير والتنوير لابن عاشور لانه بياخذ في اعتباره القراءات هو تفسير اه يا روحاني جدا وجميل جدا - [00:01:15](#)

اسمه تفسير روح المعاني للالوسي في واحد من اكبر اعداء النبي صلى الله عليه وسلم في مكة كان اسمه النضر ابن الحارث الراجل ده من اول يوم في الدعوة وهو واخذ خط ضد الرسول عليه الصلاة والسلام في كل حاجة - [00:01:34](#)

الرسول عليه الصلاة والسلام يجلس بين الناس ويقرأ عليهم القرآن والناس تستمع والقرآن فيه بالزات القرآن المكي بقى فيه قصص وقصص وهو يسافر فارس والروم ويروح يجيب من عندهم قصص وحكايات - [00:01:55](#)

ومنها حكايات كيلة ودمنة ويرجع يحكيها في مكة علشان يشد الناس من حول النبي صلى الله عليه وسلم. فكان ينتزر لما النبي عليه الصلاة والسلام يكون بيكلم الناس ثم يقوم يقوم جاي قاعد - [00:02:11](#)

مكانه عشان يلحق يبقى فيه الجمهور موجودين لسه. ويقعد يقول لهم محمد يحدثكم احاديث عاد وثمود. وانا احديثكم احاديث فارس والروم يعني هو بيكلمكم عن امم خلاص بقى ايه ده وراحت يعني لكن انا راجل مودرن انا راجل بكلمكم عن بلغة - [00:02:23](#)

العصر وكان مأجر آآ مغنيات ورقصات فلما يعرف ان في راجل بدأ يقتنع بكلام النبي عليه الصلاة والسلام يدعوه عنده ويجيب مغنية يقول لها ايه اكلية وشريبه وغني له وارقصي له وبعد كده - [00:02:44](#)

يدخل عليه ويقول له ايه ها ده احسن ولا الصلاة والصيام؟ اللي بيدعوك لهم محمد. فالنضر ده ما كانش سايب حاجة ضد المسلمين الا هو راشق فيها وزعيم فيها من زعماء قريش اللي كان دايم يفكر ويبتكر الحقيقة الراجل كان مبتكر جدا في موضوع محاربة الاسلام - [00:03:00](#)

حتى الصحيفة اللي كتبت لحصار المسلمين عدم الزواج منهم. عدم البيع لهم. عدم الشراء منهم. اللي بسببها دخل المسلمين في شعب ابي طالب لمدة ثلاث سنوات هو اللي كاتبها بايده - [00:03:22](#)

فهذا المجرم احب الله وقال اللهم ان كان هذا الذي يقول محمد هو الحق من عندك فامطر علينا حجارة من السماء. او اثنتا بعذاب اليم. يعني مش مسلا لو هو ده الحق اهدنا له لأ - [00:03:35](#)

لو ده الحق عزبنا مش عايزين يعني لو ده الحق مش عايزينه فدعا الله فامطر علينا حجارة من السماء او اثنتا بعذاب اليم طبعا في الوقت ده لما الكلام ده يقال على الملأ - [00:03:56](#)

في احراج للنبي عليه الصلاة والسلام هو في استهزاء بايات الله استهزاء بالدين كله فالموضوع بقى ايه ؟ آآ محرج. نزلت الايات اعوذ بالله السميع العليم من الشيطان الرجيم. اقرا معي بقى بسم الله الرحمن الرحيم - [00:04:12](#)

سأل سائل بعذابه واقع. للكافرين ليس له دافع من الله ذي المعارج سأل سائل سائل يعني ببسأل سؤال بس سأل بعذاب مش سأل عن عذاب هنا سأل بمعنى دعا طلب ما هو السائل واما السائل فلا تنهر. ها؟ السائل ممكن يسأل عن معلومة - [00:04:30](#)

او يسأل يعني يطلب شيء آآ هنا السؤال معناه الدعاء هو دعا آآ وطبعا ده دعاء استهزاء وسخرية الدعاء بنستخدم معه يعني دعا بالشفاء دعا بالصحة. دعا بالسعادة. فاستخدمت الباء هنا مع سأل طالما انها جاية بمعنى الدعاء. سألت - [00:05:07](#)

سائل بعذاب واقع يعني هو ادعى بعذاب دعا على نفسه كنوع من التحدي لله ورسوله. عليهم كلهم فانزل علينا فهو دعا عليهم كلهم هنا في قراءة اخرى قراءة ورش اللي هي اصلا قراءة ثلاثة من الائمة - [00:05:37](#)

آآ نافع وابن عامر وابن هشام يعني ست رواية رواة منهم ورش على النفق مش سأل سائل سأل سائل بعذاب واقع اه اه سال رسالة من السيلان ياسيل سال يا سيل مضارع - [00:05:59](#)

سائل يعني سيل السيل يسمى سائل سال بفلان السيل العرب تستخدم هذا التعبير بمعنى فلان وقع نفسه في مشكلة. فلان وقع نفسه في مصيبة سال بفلان السيل او السال بفلان السائل يعني خلاص العجلة دارت وما حدش هيقدر يوقفها. حط نفسه في مشكلة ومش مش هتترفع. كرة الثلج تدرجت وما حدش هيقدر يوقفها - [00:06:26](#)

سال سائل بعذاب واقع يعني العذاب يقترب خلاص العذاب فعلا هيقع بس مش بالضرورة زي ما هو سأل عليهم كلهم؟ لأ مش بالضرورة هيعالجوها. ربنا مش هيعمل حاجة على مزاج حد - [00:07:01](#)

يبقى اجمالي معنى القراءتين مع بعض ايه هو انه دعا داع باستعجال العذاب وبالفعل العذاب في الطريق وفعلا بعدها بحوالي سنتين في بدر هذا الرجل قتل ومعه سبعين من صناديد قريش - [00:07:23](#)

تمام سأل سائل بعذاب واقع للكافرين ليس لهم مدافع عذاب الله واقع بالكافرين جميعا يوم القيامة ولا يوجد من سيدفع هذا العذاب عنهم وبعضهم سيقع به العذاب في الدنيا تمام؟ لكن الكل كل دول هيقع بهم - [00:07:42](#)

العذاب يوم القيامة للكافرين ليس له دافع من الله ذي المعارج الله ذي المعارج جمع معراج يعني الطرق للصعود ممكن طرق صعود الملائكة تعرج الملائكة اليه في صعود للملك. طرق صعود الاعمال اعمال العباد الى الله - [00:08:13](#)

النبي عرج اليه في ليلة المعراج وقال العلماء الصلاة معراج المؤمن اذا الله هو العلي والاعلى والمتعالى. دائم العلو ولكن هناك طرق للوصول اليه. هذه الطرق هي المعارج بالنسبة لنا احنا صلاة - [00:08:41](#)

وهنشوف الاهتمام بالصلاة في اخر السورة اقرا معي الاية اربعة تعرج الملائكة والروح اليه في يوم كان مقداره خمسين الف سنة الملائكة والروح يعني الروح الامين آآ جبريل الامين في علماء قالوا معناها - [00:09:06](#)

ان يوم القيامة طوله خمسين الف سنة من سنواتنا بتاعة الدنيا ده يشمل فناء الارض. يعني اول ما يبدأ النفخة الاولى ويبدأ بقى فناء الارض. وموت الناس اللي عليها والبعث من القبور بعد كده. ويوم العرض يا عرض اعمال العباد. ويوم الحساب الحساب باول محاسبة الناس - [00:09:29](#)

اخر الخمسين الف سنة دول لما تفتح ابواب الجنة وابواب النار. يبدأ الخلود الجنة والنار فاتفقوا على ان الخمسين الف سنة دول يشعر بهم الكافر فقط بينما يمر يوم القيامة ده كله على المؤمن - [00:09:57](#)

دقائق معدودة في سورة المدثر فاذا نقر في الناقر فذلك يومئذ يوم عسير. اسمع بقى على اثرين غير يسير على الكافرين غير يسير. الله يبقى بمفهوم المخالفة على المؤمنين يسير - [00:10:20](#)

ورد ايضا احاديث. يعني اذا يوم القيامة ده مش خمسين الف سنة على المؤمن خالص. لا بالعكس هيبقى يسير جدا. ورد احاديث هناك حديث حسن من حديث ابي سعيد الخدري يبقى ده على طول من مسند احمد. الامام احمد ابن حنبل على فكرة هو محدث -

وعنده مسند احمد كان مقسمه حسب الصحابة. من حديث ابي سعيد جاب كل احاديث ابي سعيد الخدري. كل احاديث عبدالله بن عمر وهكذا فالابواب بتاعته مبوبة حسب الصحابة. من حديث ابي سعيد الخدري قال - [00:11:07](#)

قيل لرسول الله صلى الله عليه وسلم يوما كان مقداره خمسين الف سنة ما اطول هذا اليوم فقال رسول الله صلى الله عليه وسلم والذي نفسي بيده انه ليخفف على المؤمن حتى يكون اخف عليه من صلاة مكتوبة يصليها - [00:11:22](#)

الدنيا فعلى المؤمن هيعدي زي ما يكون اه صلاة مكتوبة اقصى صلاة مكتوبة ايه؟ اربع ركعات؟ اه اربع ركعات. بنصليها في قد ايه؟ في عشر دقائق في ربع ساعة بس كده - [00:11:50](#)

اذا هم خمسين الف سنة على الكافر بينما هم عشر دقائق على المؤمن المؤمن عنده كده ايه فاستراك بتاع آآ درجة اولي اللي هو ما بيستناش حاجة خالص والكافر عنده خمسين الف سنة هيتزبط فيهم بقى من غير بق مية - [00:12:03](#)

من غير لقمة ولا مكان يقعد فيه ولا مكان ينتز في ولا حاجة خالص عزاب حتى ورد ان الناس سيطلبون بداية الحساب قبل ان يبدأ الحساب. سيطلب بداية الحساب ان شاء الله يدخلوا النار. بس - [00:12:22](#)

ابدأ لان خلاص خنقة. خنقة. الناس مخنوقة انتم نسيتم يا جماعة لما تدبرنا في سورة الكهف وتركنا بعضهم يومئذ يموج في بعض. يعني موجات بشرية بتزق بعض وبتدفع بعض بتعصر بعض الناس عاصرة بعض مش عارفة تتنفس - [00:12:40](#)

المهم ان هو بالنسبة لنا ان شاء الله وبالنسبة للمؤمنين مش خمسين الف سنة دقائق دقائق ان شاء الله وهناك احاديث موقوفة موقوفة يعني رواها الصحابي وقفت عند الصحابي دون ان يقول قال رسول الله - [00:13:04](#)

اذا ده يسمى حديث موقوف عكسه حديث مرفوع يعني واصل لرسول الله. السند واصل الى سمعت رسول الله صلى الله عليه وسلم يقول او قال رسول الله او كده - [00:13:25](#)

الموقوف يعتبر حديث ضعيف لكنه ليس شديد الضعف لانه واصل لصحابي والصحابي عدل لن يكذب لكن ممكن يكون بيقول رأييه مش بالضرورة يكون رأييه صح وان كان برضه رأيي الصحابي في الامور الغيبية - [00:13:38](#)

كلام عن يوم القيامة بتاع صعب اوي انه يكون بيقول كلام من دماغه. فاكيد فيه حاجة سمعها من النبي عليه الصلاة والسلام خلته يكون هذا الرأي لذللك الاحاديث الموقوفة اللي في الامور الغيبية ديا - [00:13:58](#)

البعض اعتبرها صحيحة وانا مع ان احنا يعني يعني نستأنس بها ابو هريرة قال هيمر اليوم ده تتدلي الشمس للغروب الى ان تغرب يعني دقائق عبدالله بن عمر رضي الله عنهما قال - [00:14:12](#)

ويكون ذلك اليوم اقصر على المؤمن من ساعة من نهار ساعة مش يعني ستين دقيقة ساعة يعني مدة قصيرة دقائق نرجع بقى للحلقة ارجع ارجع لاية اربعة تعرج الملائكة والروح اليه في يوم كان مقداره خمسين الف سنة - [00:14:35](#)

هنا في شبهة. ازاى نوفق ده مع الاية في سورة الحج ويستعجلونك بالعذاب ولن يخلف الله وعده. وان يوما عند ربك كالف سنة مما تعدون في سورة السجدة واراد ايضا ان اليوم عند الله بالف سنة يدبر الامر من السماء الى الارض ثم يعرج اليه في يوم - [00:15:02](#)

ان كان مقداره الف سنة مما تعد هذا زمن تدبير الامر قارن بين الزمنين انهو اطول؟ يوم في المأ الأعلى بالف سنة من زماننا في الدنيا يبقى هناك الدنيا ماشية اسرع بنسبة كم لكم - [00:15:30](#)

واحد الألف واحد يوم لالف سنة لو كان ربنا قال ان سنة عند ربك بالف سنة مما تعدون يبقى واحد لالف. لكن لا ده انت بعد ما ما تحط واحد على الف - [00:15:54](#)

ارجع تقسم على تلتمية خمسة وستين كمان. تلتمية خمسة وخمسين لو سنة هجرية. ها؟ يعني النسبة ثلاثة لمليار واحد لتلتمية حاجة وستين مليون يعني ربك بيدبر الامر في اقل من لمح البصر. في صورة القمر تدبرنا ان كل شيء - [00:16:11](#)

خلقناه بقدر وما امرنا الا واحدة كلمح بالبصر فهمتوا بقى معنى المقارنة دي ايه يوم بالف سنة؟ اذا خمسين الف سنة ده طول يوم القيامة. الى ان يدخل اصحاب الجنة الجنة واصحاب النار النار. انما اليوم اللي بالف سنة ده سرعة سرعة تدبير - [00:16:37](#)

الامر دي حاجة ودي حاجة خلاص احنا نظامنا هنا مع بعض واتفقنا. ما بنديش زهرنا لاي شبهة ليه؟ عشان دينا قوي. وما فيش حاجة

اسمها ممكن ما الاقيش اجابة ساعتها نقعد ندور ونقعد نبحت ونقعد نقرأ ونقعد ونمرغ راسنا في التراب وندعو الله انه يرزقنا الحكمة ويرزقنا العلم - [00:17:03](#)

اتعلمنا لكن ما فيش حاجة اسمها ندي زهرنا لاي شبهة خالص. اللي بيعمل كده الناس اللي ما عندهاش ثقة في دينها لكن احنا ما بنديش زهرنا لاي شبهة يا جماعة - [00:17:25](#)

معي من خمسة لسبعة فاصبر صبرا جميلا. انهم يرونه بعيدا ونراه قريباً هم الكفار بيدعوا على نفسهم ويبستعجلوا العذاب نوع من الاستهزاء ده ببضايق مين دلوقتي؟ وبيعمل احراج لمين؟ الرسول عليه الصلاة والسلام - [00:17:37](#)
ما هو ما فيش عذاب نزل اهو ربنا بيقول له فاصبر صبرا جميلا. اصبر يا محمد ما تدعوش عليهم ربنا عنده ترتيب اخر منهم من سيؤمن ويصبحوا من جند الاسلام - [00:18:02](#)

ربنا في سورة الجاثية قال قل للذين امنوا يغفروا للذين لا يرجون ايام الله لان هناك احداث اخرى ستحدث ربنا قال في سورة الممتحنة عسى الله ان يجعل بينكم وبين الذين عاديتم منهم مودة. يعني حب - [00:18:19](#)
والله قدير قادر على كل شيء. والله غفور رحيم. اللي بيحاربوكم دول هيبقوا احبابكم في يوم من الايام. وهتحاربوا مع بعض جنبنا الى جنب ضد الفرس والروم يبقى ايه؟ ربنا قال للرسول عليه الصلاة والسلام - [00:18:42](#)

ما تستعجلش فاصبر صبرا جميلا خمسة انا عاوز اتوقف عند كلمة صبرا الجميلة دي هو الصبر جميل سيدنا يعقوب فقد ولديه يوسف بنيامين وحزن حزنا شديدا وفقد بصره في الموضوع ده - [00:19:00](#)
قال ايه تمتاشر في سورة يوسف قال بل سولت لكم انفسكم امرا صبر جميل عسى الله ان يأتيني بهم جميعا ده انا انت شاعر بالمرارة طالعة منه صبر جميل جميل ازاي - [00:19:25](#)

قالها بعد ما صبر كثير اوي عشرات السنين بعد فقد يوسف ولما فقد يوسف قبلها بعشرات السنين قال نفس الكلام وجاؤوا على قميصه بدن كذب. قال بل سولت لكم انفسكم امرا - [00:19:45](#)

صبر جميل الله المستعان على ما تصفون. والسيدة عائشة رضي الله عنها وارضاهما ستنا امنا. اتهمت ظلما بالزنا. والمنافقين نشروا عنها اعادة المدينة كلها قالت نفس الكلمة صبر جميل والله المستعان على ما تصفون. مش فاهم يعني ايه - [00:20:01](#)
السيدة عائشة كانت متلذذة بالصبر في الموقف ده ولا سيدنا يعقوب كان متلذذ بالصبر؟ يا جماعة الصبر صعب جدا الصبر صعب جدا. عشان كده هو اكثر شيء عليه ثواب ربنا بيقول انما يوفى الصابرون اجرهم - [00:20:21](#)

بغير حساب سورة الزمر مش مضروب في عشرة ولا مية الف لا بغير حساب. ليه؟ لانه صعب لكن علشان تنجز شيء صعب لازم تدي نفسك رسائل انت قدتها ربنا هيبسر - [00:20:39](#)

ده جميل وتستشعر الثواب العظيم. السواب الجميل بتاع الصبر ان ربنا هيديك بغير حساب. وهناك اية اخرى انما يوفى الصابرون اجرهم باحسن ما كانوا يعملون. كل الصلاة صلتها هيتعمل لها اجر - [00:20:59](#)
وتعتبر في جودة احسن صلاة تسلطها. كل يوم صيام صمته هيتعمل له اجر جيد يعتبر زي افضل يوم انت صمته في حياتك ده لو انت صبور لو انت من الصابرين. طيب - [00:21:17](#)

فتستشعر ثواب الصبر عشان تقدر تنجز وتقدر تصبر. فصبر جميل طبعا هناك اراء ايضا بتقول الصبر الجميل هو صبر بدون شكوى للناس. رأي جميل برضه ربما غير مدعوم بادلة لكن معناه صحيح - [00:21:30](#)
انت لما تشكو حالك للناس فانت تشكو الله انت تشكو من يرحم لمن لا يرحم وبعدين انت اما بتشكو حالك لحبيب بيحبك لا تحزنه معك على حالك واما تشكو حالك لعدو يكرهك فبتفرح قلبه - [00:21:51](#)

عشان بيتشفى فيك. فليه تحزن حبيبك وليه تفرح عدوك؟ ما تقفل بقل. اشتكي لله بس. اشتكي لله فقط انما اشكو بتي وحزني الى الله. ده سيدنا يعقوب بيقول كده فاصبر صبرا جميلا - [00:22:13](#)

واحد منهم دعا بنزول العذاب واستهزاء وما تتفعلش. اصبر العذاب قادم خلاص سال سائل بعذاب واقع في الطريق الطريق سيل جاي

في الطريق عزاب انهم يرونه بعيدا ونراه قريبا هم شايفينه بعيد - 00:22:31

مش معنی کده انهم مؤمنین ان العذاب هیجی. لآ انهم یرونه بعیدا. یعنی هم مستبعدینه مستبعد جدا ان ده یحصل. لکن ما هواس مستحیل. فالشیء الی مش مستحیل لما حد یشکون مش مؤمن انه هیحصل یقول انا ارى ذلك بعیدا یعنی مش هیحصل - 00:22:55

لکن ما دام هو شیء مش مستحیل انهم یرونه بعیدا. مستبعدینه ونزاه قریبا. ربنا شایفه وقریب جدا. منهم. لکن هم مش دریانین

الرابعة معي من ثمانية لثمنتاشر يوم تكون السماء كالمهل وتكون الجبال كالعهن ولا يسأل حميم حميما - [00:23:17](#)

وبصرونهم يود المجرم لو يفتدي من عذاب يومئذ بنيه وصاحبه واخيه وفصيلته التي تؤويه ومن في الارض جميعا ثم ينجيه كلا

انها نزاعة للشوى تدعو من ادبر وتولى وجمع فاوعى - 00:23:49

عذابهم سيبدأ بمجرد قيام القيامة مش بدخول النار يوم تقوم. ربنا قال ونراه قريبا. قريبا امتي؟ ونراه قريبا يوم تكون السماء كالمهل اول ما تبدأ السماء تغلي المهل هو المعدن المذاب. المعدن يسخن ويسيح ويفور ويتموج وهو ماسك نفسه مش زي الماية وهي بتغلي

00:24:23 -

لأعشان كده ربنا قال في سورة الرحمن لو تتذكروا فاذا انشقت السماء فكانت وردة كالدهان. الدهان يعني الزيت ماسك نفسه له

تخانة بس عمال يفوق وربنا قال في سورة الطور يوم تمور السماء مورا. اذا السماء بتضطرب وبتغلي عشان تبقى زي المهل -

00:24:56

فلها قوام زي الزيت حاجة مرعبة جدا. السما السابطة قدامك دي وشايف فيها لوحة جميلة كده طيب منزل مرعب ربنا ما يوريه لنا يوم

تكون السماء كالمهل وتكون الجبال كالعهن. العهن يعنى الصوف - 00:25:22

شوف الصوف بيجي كده عليه شوية هوا يطير الجبال اللي كانت عبارة عن صخور ضخمة ثابتة اسمها رواسي راسية مش هتبقى

رواسي خلاص. دي هتتنفخ تطير. تبقى زي الصوف ولما انسان يبقى في حالة من الرعب والفرع بينادي يقول ايه ؟ الحقوني -

00:25:42

على اقرب الناس له الحقيني ياما الحقني اباا الحقوني يا ولادي عشرة ولا يسأل حميم حميما ما فيش حبيب هيسأل حبيبه خلي

السائل اللى سأل نزول العذاب يسمع بقى يومها مش هيسأل ولاده - 00:26:09

عارفين ليه انه هيصحي بهم حذاشر بيصرونهم. يود المجرم لو يفتدي من عذاب يومئذ بنيه. وصاحبه واخيه وفصيلته التي تؤويه

ومن في الارض جميعا ثم ينجيهم مش هيطلب من حد يساعده لان هو هيضحي بهم دلوقتى - 00:26:33

هيطلب من ربنا ياخذ ولاده ويسيبه هو واولاده هيشوفوه وهو بيطلب من ربنا ياخذهم هم بداله يبصرونهم فالاولاد هيشوفوا ابوهم

بیضحی بهم فہیزداد عزایہم ما ہم ما دام حضروا الیوم دا وموجودین فیہ وہم الکفار ہم کمان - 00:26:59

ويستاهلوا بقى فهيزداد عزابهم بالعذاب النفسي هيقولوا اه يا ندل يا بابا جاي دلوقتي بتعمل كده فينا احنا وهم بقى هيضحوا

بولادهم هم كمان. كل واحد ناس قزرة بقى كلها فى بعضها - [00:27:21](#)

ربنا يعافينا ويحشرنا في زمرة المؤمنين ده بقى اسمه التدبر القلبي. اللي هو ايه؟ اللي هو ما تمرش عليك المواضيع دي دون ان تدعو

وتستعيز من النار ومن انك تحضر اليوم ده - 00:27:41

خلي بالك كل ده بيحدث للكفار يوم القيامة المؤمنين مش موجودين انهم ماتوا قبل قيام الساعة. تأتي ريح طيبة فتتوفى ارواحهم

ولا تقوم الساعة الا على كع ابن كع كع مش يعنى بطيء. مش كع لأ كع يعنى شقى محكوم عليه بالشقاء فى النار - 00:27:55

اقرا حداثر بقى يبصرونهم. يود المجرم لو يفتدى من عذاب يومئذ بنيه اقرب الناس له احب الناس الى قلبه فى الدنيا. اللى كان

بِیَفْخَرِ بِهِمْ. خَلْ بِالْكَ بَانِیْهِ. مَشْ وَلَدَهُ - 00:28:23

الولد يشمل الابن والبنت الكفار ييحبوا البنين عن البنات. الكفار ييحبوا الاولاد الذكور دايمًا ويكرهوا البنات فاحب الناس لقلبه في

الدنيا ولاده الولاد هو اول من سيضحى بهم ووراهم امهم وصاحبتة واخيه. يلا واخوه كمان - 00:28:38

طب ليه قال صاحبته مش زوجه تشمل الزوجة واللى مش زوجه برضه النهاردة اصلا فى الغرب الكفار مش بيتجوزوا ولا

بيعيشوا مع بعض وبيخلفوا عادي. بيعملوا اسر من غير ما يتجوزوا - [00:29:04](#)

وصاحبته تشمل الاثنين ادق الحقيقة وصاحبته واخيه اخوه ابن امه وابوه وفصيلته التي تؤويه اللي كان بيغني اغاني وطنية.

وماسك علم بلده وعمال بيشوح به وبيغني بقى اغاني وطنية. هيتمنى ربنا ياخذ الشعب كله ويسيبه هو - [00:29:21](#)

وفصيلته التي تؤويه شعبه وطنه كله هيضحي به بلاش شعب شعب مين ؟ القارة كلها قارة ايه ؟ العالم كله ومن في الارض جميعا ثم

ينجيه نتمنى ربنا ياخذ البشرية كلها وينجيه هو بس - [00:29:49](#)

طب ليه ما اقربش ناحية ابوه وامه ليه حتى ما لمحش ما طلبش يضحى بالوالدين. هل لانه كافر بار بوالديه ؟ لأ ده ممكن تكون اصلا

مشكلته الاساسية انه عاق لوالديه. لكن برضه مش هيطلب من ربنا انه ياخذ ابوه وامه بداله. ليه - [00:30:10](#)

لانه عارف ان ده هيجلب غضب ربنا اكتر عليه. فمش هيجرؤ يقولها ايجرؤ يقولها السؤال بقى هو هل ممكن ربنا يستجيب لواحد من

دول وياخذ اهله ويتركه هو كلا انها نزاعة للشوى. طبعاً لأ. كلا. دي مولعة ومنتزراه انها احنا - [00:30:34](#)

دي موهوجة ربنا بيقول وقل الحق من ربكم فمن شاء فليؤمن ومن شاء فليكفر انا اعتدنا للظالمين نارا احاط بهم. اذا اعتدنا فعل

ماضي ورا التلاتاشر مرة في القرآن ان - [00:31:05](#)

النار معدة ومنتزرة. العذاب الاليم معد ومنتزر. كله مستنيه نزاعة للشوى نزاعة صيغة مبالغة على وزن فعالة يعني كثيرة الايه ؟

الفعل. كثيرة النزاع الشوى مكان الشواء انت لو شويت فرخة في النار - [00:31:26](#)

ايه اللي هيتشوي الجلد والدهن واللحم لكن العضم لأ جلد الكافر ولحمه وشحمه هو ده مكان الشواء بقى. نزاعة للشواء النار موهوجة

يتحط فيها يقع فيها جلده ولحمه وكله وبعدين - [00:31:51](#)

خلاص كده وقع الشوا طب بعد خمس ست دقائق وقع كل حاجة خلاص كده هو عزابه وقف ؟ لا ربنا بيقول في سورة النساء ان الذين

كفروا باياتنا سوف نصليهم نارا - [00:32:17](#)

كلما نضجت جلودهم بدلناهم جلودا غيرها ليذوقوا العذاب دي اسلم بسببها عميد كلية الطب في بانكوك والفيديو موجود بتاع هيئة

الاعجاز العلمي في القرآن والسنة. اللي بتاع الشيخ عبدالمجيد زنداني - [00:32:34](#)

عميد كلية الطب بيقول ان مراكز الاحساس بالحرارة في الجلد فتبديل الجلود جلودا غيرها ضروري لاستمرار العذاب بالنار والا بمجرد

نزع الجلد القديم او انه يستوي فيموت لن يشعر الكافر بحرارة النار - [00:32:55](#)

نزاعة للشوى كثيرة نزع اماكن الشواء اشارة الى تبديلها بجديد باستمرار تقوم تنزع الجديد. يتبدل ينزع الجديد يتبدل تنزع الجديد.

مم ادعو من ادبر وتولى وجمع فاوعى ادعو من ادبر وتولى لها معنيين. حلوين اوي بقى - [00:33:12](#)

معنا في الدنيا ومعنا في الآخرة. خلينا في الآخرة دلوقتي وسط النار كلا انها دي مولعة ومنتزرة نزاعة للشوى قلنا عمالة تنزع في

الجلد واللحم يتحط جديد يتنزع راخر هو كمان - [00:33:41](#)

تدعو من ادبر وتولى فيه ناس وهي في النار عاوزه تخرج بتدي زهرها وتحاول تجد مهرة بتهرب منه يتقال لهم تعالوا تعالوا انتم

رايحين فين ويقوموا مشدودين راجعين ثاني سورة السجدة - [00:33:55](#)

ربنا بيقول فيها واما الذين فسقوا فمأواهم النار كلما ارادوا ان يخرجوا منها اعيدوا فيها. وقيل لهم ذوقوا عذابا النار الذي كنتم به

تكذبون كل ما ييجوا يخرجوا يتشدوا من قفاهم يرجعوا ثاني. تدعو من ادبر يعني ادى زهره وتولى. حاول يطلع. طب تعال بقى -

[00:34:13](#)

ولها معنى اخر انها واحنا في الدنيا هنا النار جاهزة هناك ربنا قال اعتدنا هي جاهزة ومولعة عمالة تدعو بتندح من ادبر يعني ادار

ظهره للقرآن وتولى ترك اوامر الله - [00:34:39](#)

ربنا بيقول في سورة ال عمران واذا اخذ الله ميثاق الذين اوتوا الكتاب لتبيننه للناس ولا تكتمونه فنبذوا وراء ظهورهم اذا هناك من

يؤتى الكتاب فيقبل عليه ليتدبره ويطبقة في حياته. وهناك من يلقي بالكتاب خلف ظهره - [00:35:00](#)

تدعو من ادبر بتدعو النوعية دي من الناس اللي في الدنيا بتلقي القرآن ورا زهرها بتقول لهم ما تتأخروش انا منتزراكم تدعو من ادبر

وتولى وجمع فاوعى جمع المال وكل شوية يبص في الوعاء اللي حاطط فيه المال. الاستيت من بتاعة البنك يشوف المركز المالي بتاعه. يشوف الارباح اضيفت ولا لا - [00:35:27](#)

كم مليون يبص في الوعاء اللي فيه المال ولا يخرج زكاة ماله. لا يطعم يعلم ان فيه فقراء جعانيين ولا يخرج اسأل الله ان يجنبنا جميعا عذاب جهنم بحق كل حرف تدبرناه - [00:35:58](#)

ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب. وما عنا مما نحب فاجعله فراغا لنا فيما تحب - [00:36:19](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حبيننا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احبي قلوبنا بحبك - [00:36:40](#)
واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا. اللهم نجعل حبا كله لك وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلء احزاننا وذهاب همومنا وغمومنا ومغفرة ذنوبنا. اسأل الله العلي العظيم - [00:37:07](#)

ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك او تدبرناه. اكفنا واهلينا واخواننا واخواتنا شر كل من يكيّد لنا ولهم. واحفظنا واياهم من شرورهم. ونجعل - [00:37:37](#)

اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وكن مع اخوانك - [00:38:04](#)

في تركستان وفي الشام وفي كشميرة وفي الهند. وانصر من نصرهم واخذل من خذلهم. وظهر المسجد الاقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة - [00:38:21](#)

ومن كان منا او من احبابنا او من اخواننا او من اخواتنا او من مشايخنا او من علمائنا مريضا به او حاملا له فالبس ثوب الصحة والعافية عاجلا غير اجل. ومن لم يصب به فقه شره. وابعده عنه. ولا تسلطه الا على اعدائك واعداء دينك واعداء - [00:38:38](#)
يا اوليائك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك. وتوحدت على دعوتك وتعاهدت على نصره شريعتك. فوثق اللهم قابضتها. وادم ودها واهدها سبلها. واملاها بنورك الذي لا يخبو. واشرح صدورنا بفيض الايمان بك - [00:38:58](#)

وجميل التوكل عليك. واحبها يا ربنا بمعرفتك يا مولانا على الشهادة في سبيلك انك نعم المولى ونعم النصير. والسلام عليكم ورحمة الله وبركاته ونراكم غدا باذن الله في نفس هذا الموعد ان كنا من اهل الدنيا. فيه ناس كثير يا جماعة مش عارفة ان الموعد تغير - [00:39:26](#)

الحاضر يبلغ الغائب السلام عليكم - [00:39:52](#)